



漢書門  
類號函架册  
12608  
160


內閣文庫  
漢書  
類號册架函  
12608  
160

內閣文庫		
番號	漢	12608
册數	160 ( 85 )	
函號	300	211

九十九







重校聖濟總錄卷九十九

震澤汪鳴珂瑤圃全弟鳴鳳蘭圃校

程 勛懋哉校訂

九蟲門

九蟲

虬蟲

寸白蟲

蟻蟲

五臟蟲

三蟲

九蟲統論

論曰蟲與人俱生而藏於幽隱其為害也蓋本於正氣虧弱既食生冷復感風邪所以種種變化以

至蕃息初若不足畏而其甚可以殺人善攝生者薄滋味節嗜欲蚤去三尸防患於未然彼九蟲亦將銷鑠於冥冥之中惟未進此道則攘彙辟蠹無使滋蔓蓋有藥存焉

九蟲

論曰九蟲一名伏蟲長四分二名虬蟲長一尺三名白蟲長一寸四名肉蟲狀如爛杏五名肺蟲狀如蠶六名胃蟲狀如蝦蟇七名弱蟲狀如瓜瓣八名赤蟲狀如生肉九名蟻蟲狀如菜子至微細者

是九蟲皆依乎腸胃之間若腑臟氣實則不能為害及其虛也發動變化侵食氣血淩成諸病不可不察也

貫衆丸方 治九蟲動作變生諸病

貫衆 石蠶微炒各一分 狼牙剉 薤蘆微炒

蜀漆 白殭蠶微炒 厚朴薑汁炒各三分 雷丸炮一兩半

白蕪荑炒一兩

共九味擣羅為末鍊蜜和為劑更於石臼內入酥少許杵令勻熟丸如梧桐子大每服十九空

心溫漿水下午時臨臥再服

雞子丸方 治九蟲

雞子 去殼 好漆 濾過 蠟 三兩 粳米粉 半斤

四味先取漆蠟入銅鑪中用慢火煎攪令得所  
次入粳米粉又攪令勻煎令凝候可丸即取鑪  
中置生黃土堆上纔候稍溫即下雞子又攪令  
得所再置火上煎令可丸如小豆 大 隔宿勿食空  
腹煎粟米飲下二十九小兒五丸

麝香丸方 治九蟲

黃連 一兩 白蕪荑 炒二兩 乾蝦蟇 一枚酥炙令黃 乾漆

炒令烟 雷丸 炮半兩 定粉 研一兩半

共六味研為末入麝香少許再研羅勻用醋煮  
麪糊丸如梧桐子大每服溫水下十九空心食  
前服

石榴枝湯方 治九蟲動作腹中刺痛口吐清水

面色黑黃及蟲貫心痛者

東引石榴枝 三兩 木香 陳橘皮 湯浸去白 吳茱

萸 湯洗焙炒 大黃 煨 芍藥 各二兩 薏苡仁 二兩

半

共七味咬咀如麻豆大每服五錢水煎溫服空  
心

漆香散方 治大人小兒腹中蟲動痛發不止

乾漆

炒令烟出二兩

雄黃

研五錢

麝香

研一錢

三味先擣乾漆為細末次入雄黃麝香再同研  
勻以密器盛之每服一錢煎苦楝根湯調下食  
前小兒加減

乾漆散方 治諸蟲痛

乾漆

炒令烟出半兩

雄黃

研一分

檳榔

一枚

訶梨勒

煨去

核一分

右四味擣研為散每服半錢入麝香少許用葱  
汁生油調下空心服

青橘皮丸方 治諸蟲發動上連心痛

青橘皮

去白

蕪荑

貫衆

雷丸

炮等分

右四味擣羅為末鍊蜜丸如梧桐子大每服二  
十丸食前橘皮湯下加至三十丸蟲下為度

南粉散方 治腹中諸蟲令人腹痛多食泥土及

泄者

南粉 二錢  
細研

五更初用生油調下至食時蟲出盡

砒黃丸方 治諸蟲痛

砒黃 細研  
一兩

一味用水浸炊餅心為丸如小豆大每服二丸用煮肉湯下空心食前

蕪荑丸方 治諸蟲發動咬心痛

白蕪荑 微炒  
一兩

一味為末用沙糖和丸如梧桐子大每服十丸米飲下不計時候

一方南粉二錢細研五更初用生油調下少時蟲盡出

虬蟲

論曰虬即九蟲敘所謂長蟲者今此析而治之蓋較之他蟲害人之為多觀其發作冷氣臍腹撮痛變為嘔逆以至心中痛甚如錐刺昔人謂虬厥貫心能殺人則所以治之不可緩也

貫衆散方 治虬蟲

貫衆一兩 檳榔三兩 當歸一兩 鶴蝨炒一兩 白

蕪荑 陳橘皮去白炒各一兩半 雷丸一兩

共七味擣羅爲散每服一錢煎大棗湯空心調服以利爲度

當歸湯方 治虬蟲心痛心中如錐刺時吐白蟲

當歸一兩 桔梗炒一兩半 陳橘皮去白 桂心 人

參各半兩 鶴蝨二分 檳榔一分 赤芍藥三分 朴

梢別研三分

共九味除朴梢外擣篩入朴梢拌勻每服三錢水煎空心服後半時辰再服

當歸散方 治虬蟲痛發作冷氣先從兩肋連胸

皆撮痛欲變吐逆

當歸 鶴蝨炒各二兩 陳橘皮去白 人參各一兩半 檳

榔炮炒三兩 枳殼去瓢炒黃 芍藥各一兩半 桂心一分

共八味擣羅爲散每服二錢空心煎棗湯調下再服

雷丸散方 治九種心痛蟲痛爲先



雷丸一兩

貫衆去鬚一兩半

狼牙去蘆頭一兩

當歸一兩

桂心一兩半

鶴蝨炒一兩

陳橘皮去白炒一兩

共八味擣羅爲散每服二錢空心煎粟米飲調下晚食再服以大下虻蟲爲度

芫胡湯方 治蟲心痛

芫胡一兩半

當歸

食茱萸

各一兩

芍藥

一兩半

檳榔

榔三枚

郁李仁洗去皮三分

厚朴塗薑汁炙熟一兩

右七味擣篩每服三錢水煎食前溫服日三

桔梗散方 治虻蟲攻心痛

桔梗

當歸

芍藥

各三分

橘皮

去白炒半兩

檳榔

微炒

鶴蝨

微炒

草薺

各一兩

右七味擣羅爲散每服二錢空心煎生薑棗湯下至晚再服

桑根白皮湯方 治虻蟲心痛

桑根白皮

三兩

醋石榴皮

乾者一兩

白蕪荑

炒

檳榔

炮

厚朴

塗薑汁炙各半兩

右五味擣篩每服三錢入生薑一塊同煎空心服至晚再服

石榴皮湯方 治虻蟲心痛腹中疼刺痛不可忍

往往吐酸水

酸石榴皮

三分

檳榔

一分

桃符

一兩半分 胡為五度用

粉

一分微炒別研

右四味先搗篩前二味後以胡粉拌勻分為五

服煎每服水一盞入桃符一分酒半盞同煎至

七分空心溫服至晚再服

草薺散方 治虻蟲發作

草薺

炒

白蕪荑

炒

狗脊

去毛剉各一分

三味為散每服二錢溫酒調下欲服藥先隔宿

喫牛肉乾脯一片次日空心服藥蟲下即效

鶴蝨散方 治疔虻寸白虻蟲等發作心腹疼痛

鶴蝨

炒三分

檳榔

炮剉一分 兩二分

陳橘皮

去白微炒半兩

大麥

藁

炒一兩半

牽牛子

一半生用一兩半炒三兩

棟根皮

結子東方者

以石灰如拳大水兩 梳浸二宿二兩半

糯米

合一

右七味搗羅為散每服二錢空腹煎粟米飲調

下如未轉瀉即更服仍時時煎薑蜜湯熱投之

麝香散方 治大人及小兒疔虻腹中虛痛面目

萎黃

麝香 別研一分 乾蚯蚓 慢火炙黃半兩 乾蝦蟇 一枚塗炙黃赤色淨

剔去骨并膜腹惡物

右三味先搗蚯蚓等細羅為散與麝香同研令勻細每服一錢空腹煎薏苡根湯調下

阿膠湯方 治蟲蝕下部癢穀道中生瘡

阿膠 炙燥 當歸 青箱子 炒各一兩

三味搗篩每服五錢入艾葉十餘片同煎至一盞空腹服午食前近晚各一

高良薑湯方 治虻蟲

高良薑 一分 苦楝根皮 乾者剉二兩 胡椒 三十粒

三味搗篩每服三錢水煎空腹服服訖臥少時未得喫食或吐或瀉即差

蘆散方 治虻蟲懊懣

蘆 炙黃碎 乾漆 炒令烟出各二兩 篇蓄 去根及土乾者三兩

右三味搗羅為散每服一錢煎粟米飲下食前服日三

漆煎丸方 治虻蟲蟻蟲在胃令人漸漸羸瘦

清漆過濾 白蜜 清酒各半

右三味同攪令勻內於銅鍋中微火煎當令沸  
不住手攪候如膏可丸即止丸如雀卵大每服  
一丸隔宿不食空心溫酒化破服之蟲即下不  
下再服亦可丸如梧桐子大空心酒下二十九

薏苡根湯方 治虻蟲

薏苡根一握 去土

一味擣篩水煎分溫二服空心先喫飴少許然  
後溫服

檳榔煎方 治虻蟲

檳榔炮剉 五枚 酸石榴根皮入土五寸東引者 去土細剉一斤

二味先將檳榔擣篩與石榴根各均分作三度  
用每度用水二升半煎至一升絞去滓入粟米  
一合煮如粥平旦空心頓喫利下蟲即效

蠶蛹汁方 治虻蟲

蠶蛹

取繰絲蠶蛹四合爛研生布絞取汁空心頓飲  
之非繰絲時即須依時收取蠶蛹暴乾擣羅為



末用時以意斟酌多少和粥飲服之

桑根白皮湯方 治大便忽見蟲是腹中蟲已多

桑根白皮

細剉  
二兩

二味擣篩分三服每服用水一盞半煎空腹頓服

寸白蟲

論曰寸白蟲乃九蟲之一種狀如絹邊葫蘆子因臟氣虛風寒濕冷伏於腸胃又好食生膾乾肉等所以變化滋多難於蠲治說者謂食牛肉飲白酒

所致特一端爾亦未必皆緣此

密陀僧丸方 治寸白蟲

密陀僧

煨一兩

硫黃

研

木香

各半兩

附子

一枚生去

皮臍別  
為末

右四味先以礬醋一升煎附子末為膏次入三味藥和丸如菉豆大每服二十九丸空心晚食前冷茶下不過數服蟲化為水永除根本

香附丸方 治葫蘆蟲

木香

為末一分

附子

生去皮臍為末

硫黃

研各半兩

三味先將密陀僧末半兩入醋熬成膏然後入  
三味藥末一處和丸如小豆大每服十五丸溫  
酒下食前服

檳榔散方 治蚘蟲寸白蟲

檳榔 一兩 當歸 半 鶴蝨 各三分 貫衆 剉 雷丸

炮各半兩 蕪荑 炒 陳橘皮 去白各三分

右七味擣羅為散每服二錢空心煎棗湯調下  
至晚再服加至三錢

石榴根散方 治寸白蟲

醋石榴根 東行者取五兩碎剉水二椀煎至一小椀去滓 檳榔 一枚生剉

為末 膩粉 研半錢 鉛丹 炒半錢

右四味先取檳榔等三味細研令勻溫石榴根  
汁調藥末五更頓服凡欲服藥侵早先食肥猪  
肉次更服藥

檳榔散方 治寸白蟲

石榴根 陳橘皮 去白 桑根白皮 各一兩

三味細剉分作三服每服一盞半水煎取一盞  
去滓五更初調檳榔末二錢至欲明不瀉至晚

又一服如蟲母未下再服或瀉不止喫冷粥止之

石榴根湯方 治寸白蟲令人羸瘦

醋石榴根

東行者一大握

蕪荑

微炒二兩

牽牛子

炒別研末半兩

右三味前二味擣篩每服五錢水盞半煎至一盞去滓下牽牛子末半錢煎沸空心溫服如人行十里再服以快利蟲下爲度

食櫃實散方 治寸白蟲

生櫃實

四十九枚去皮

右一味於每清旦空腹食七枚七日後食盡其蟲卽化成水矣

橘皮丸方 治寸白蟲

陳橘皮

去白焙乾二兩

蕪荑仁

炒

狼牙

去苗各一兩半

三味擣羅爲末鍊蜜和丸更杵令勻丸如梧桐子大每服三十丸食前溫漿水下日三服

檳榔散方 治寸白蟲

檳榔

二兩

陳橘皮

去白

桑根白皮

各三分

蕪荑

炒一分

四味搗羅爲末每服一錢半濃煎醋石榴根湯  
調下空腹服欲服藥隔宿勿食侵早先取乾脯  
一片細嚼嚙汁少頃卽服藥至晚蟲未下煮桑  
白皮汁服之

檳榔湯方 治寸白蟲

檳榔 十四枚 薤菜白 細切一盞 鹽豉 一盞

三味先將檳榔搗篩與餘物各分爲三服煎每  
分以水三盞煎至一盞去滓分三服隔宿勿食  
侵早空心服一服如人行六七里又一服蟲未

下再服

乾脯湯方 治寸白蟲

乾脯 一片如手大 石榴根 東引者一握

右二味並細判以水四升浸一宿明日平旦煎  
至一升去滓分三服空腹先嚼乾脯一片卽服  
藥如人行十里又一服每服藥後以手按患人  
腹上藥力易行其蟲自下凡服藥取月一日至  
五日已前蟲頭向上服良

檳榔散方 治寸白蟲



檳榔一枚 酸石榴皮一分

二味擣羅為散分作三服先用二服以淡豬肉汁調下五更初候半時辰再用一分服之即時取下蟲永除根本

黑鉛散方 治寸白蟲累取不盡久令人面黃心中如飢

黑鉛沙子 畫家銀塗是也

一味研極細每服二大錢五更初肉汁調頓服至平明取下蟲即差

雷丸散方 治寸白蟲

雷丸 不拘多少慢炙去皮切焙

一味擣為散每服五更初先喫炙肉少許次用藥一錢稀粥半盞調服之

玉粉散方 治寸白蟲

定粉一兩

右一味研極細每服二錢用生麻油調於五更初頓服至晚蟲下

水銀丸方 治寸白蟲

水銀 銀錫 白蠟 與上二味結沙子各一分

三味熟研以糯米粥丸如皂子大每服溫酒夜臥嚼下一丸次日食前取下蟲母差

檳榔散方 治寸白蟲

檳榔 如雞子心者一枚為末

一味欲服藥隔宿不喫晚食放飢睡先用鹽醋等炙雜肉脯一片香熟次日五更令病人空腹嚼脯嚥津却吐出肉用溫米飲調檳榔末一錢頓服即吐至午前取下蟲方可食甚者再服月

一至初五已前服之尤佳

石榴根湯方 治寸白蟲

醋石榴根 一握 棟皮 一兩 檳榔 三枚為末

三味除檳榔末各細剉以水三盞煎至一盞半去滓入檳榔末攪勻分溫二服空心相繼服盡當有蟲出次須煮薤粥補之

治寸白蟲年月深久蟲類滋蔓者方

錫沙 作銀塗者無即以黃丹代油和如梧桐子大二味等分為散 蕪荑仁 檳榔

右方煎石榴根濃汁半升調散三錢下五丸中夜早晨皆可服

石榴根湯方 治寸白蟲

醋石榴根 東引者一握

細剉用水半碗均作三分煎取二分更入冷水半盞同煎去滓取汁來日雞鳴時候將檳榔一顆用冷熱水磨一分餘二分爲末更入朴硝半錢同入檳榔汁內拌勻再入煎石榴汁內溫過先嚼乾脯一片嚥汁少頃頓服此藥八分一盞

坐良久待藥行後方睡睡覺腹痛蟲即出矣

蟯蟲

論曰蟯蟲甚微細若不足慮者然其生化衆多攻心刺痛時吐清水在胃中侵蝕不已日加羸瘦甚則成痔瘻疥癬癰疽諸癩害人若此絕其本根勿使能殖則毒而治之所不可忽

芫花散方 治蟯蟲

芫花 擇醋浸一宿 狼牙 去苗 雷丸 桃仁 去皮  
尖雙仁炒 各一兩

右四味搗羅為散每服一錢隔宿不食平旦煎粟米飲調下

桃皮湯方 治蟻蟲虻蟲及痔蟹蝕下部生瘡

桃木皮 乾者去 槐子 微炒各 艾葉 兩半

三味搗篩每服三錢入棗一枚同煎空心食前

夜臥各一服

密香丸方 治蟻蟲

密陀僧 煨一兩 麝香 研半錢 硫黃 研一分 定粉 研半兩

四味搗研為細末醋煮麪糊丸如梧桐子大每

服十丸空心用蕪荑湯下

巴豆桃仁丸方 治蟻蟲

巴豆 五枚和皮燒 桃仁 去皮尖雙仁

二味同研極細丸如大麻子大每日空心服溫

漿水下大人兩丸小兒一丸蟲未下再服

石榴散方 治蟻蟲

醋石榴皮根 乾漆 炒烟出 狼牙 鶴蝨 檳

榔 各一兩

右五味搗羅為細散每服一錢空心溫酒下

艾汁方 治蟻蟲攻心如刺吐清水

生艾葉 嫩心切 二升

一味擣絞取汁兩盞許 隔宿 不食平旦先嚼乾脯

少許後頓飲汁不能盡即兩日服

又方

蘆蘆 一兩 微炙

一味擣羅為散每服一錢空心煮豬肉汁調下

蒺藜散方 治蟻蟲

蒺藜子 并苗 葉

一味七月七日採陰乾燒存性細研每服二錢

食後煎蕪荑酒調下日三

槐皮丸方 治蟻蟲在胃人漸加羸弱

槐皮 乾者 桃仁 去皮尖雙 仁生用 棟實 去核生用 各半兩

三味擣羅為末鍊豬膏丸如人指大以綿裹導

下部中

治蟻蟲咬人下部癢方

水銀 一兩

一味用蒸棗膏和丸如人指大綿裹臨臥內下

部中一宿內藥時常留綿帶子在外

熬漆丸方 治蟻蟲在胃令人漸羸

好漆 醇酒 白蜜 各半斤

三味於銅器中和勻微火熬令可丸丸如雞頭大每服一丸宿勿食空腹溫酒下蟲未下再服

貫衆散方 治腎熱四肢腫急腹中有蟻蟲

貫衆 三枚炒 乾漆 炒烟出二兩 吳茱萸 湯洗焙乾炒一兩半 蕪

荑 炒 胡粉 研 槐白皮 各一兩 杏仁 四十枚去皮尖

雙仁

七味共擣羅為散每服三錢空心井華水調下

五臟蟲

論曰五臟蟲者緣臟真衰弱熱薰蒸而成之傳所謂肉腐出蟲魚枯生蠹理固如此其名狀之異見於九蟲敘可辨而察也

雷丸丸方 治心臟勞熱傷心有長蟲名曰虻長

一尺貫心為病

雷丸 灰火炮過 陳橘皮 湯浸去白 桃仁 去皮尖雙仁麩炒各一兩一分

貫衆 大者去鬚半兩 狼牙 連苗淨擣一兩半 白蕪荑 青葙

子炒

乾漆

炒令烟出各一兩

亂髮

如雞子大一兩燒灰

共九味除亂髮燒灰外八味擣羅爲末然後與亂髮灰同研令勻鍊蜜和更於鐵臼內塗酥杵令勻熟丸如梧桐子大每服空心溫酒下十五丸至晚再服米飲亦得

麥門冬丸方

治肺勞熱生蟲其形如蠶令人欬

氣喘或謂憂膈氣膈恚膈寒膈熱膈皆從勞氣所生名曰膏肓病鍼灸不至

麥門冬

去心十兩

蜀椒

去目及閉口者炒出汗一兩

人參

一兩一分

遠志

去心

附子

去皮臍

甘草

炙一兩半

細辛

各一兩半

乾

薑

炮一兩

桂心

百部

焙

白朮

黃耆

剉細各一

兩一分

杏仁

去皮尖雙仁焙乾炒令黃半兩

右十三味擣羅爲末鍊蜜和更於鐵臼內塗酥杵令勻熟丸如酸棗子大含化稍稍嚥津

桑根白皮酒方

治肺勞熱生蟲在肺爲病

桑根白皮

東引者取一升

狼牙

去連苗處淨刷去土三兩

吳茱萸

根皮

東引者淨刷去土五升

右三味細剉用酒七升煮至二升去滓分作三

服每日空腹一服

茱萸根丸方 治肝勞生長蟲為病恐畏不安眼

中赤

東引行吳茱萸根 去土三兩 蠟 三兩 雞子 五枚去殼取黃用

粳米 一盞

右四味除蠟并雞子外各擣羅為末先以銅鍋內煎蠟鎔即下茱萸末米粉雞子黃煎令煎可丸即丸如小豆大早晨煎粟米飲下五十九小兒服二十九蟲出即差

前胡湯方 治脾勞有白蟲長一寸在脾為病令人好嘔胸中欬欬即嘔而不出


前胡 白朮 赤茯苓 枳殼 去瓢炒 旋復花

去葉炒 細辛 常山 松蘿 各一兩半 杏仁 去皮尖雙仁炒

龍膽 去苗各一兩

右十味擣篩每服五錢竹葉十片洗淨細切同煎去滓空心溫服吐之即差若腹中熱滿入苳硝半錢梔子仁一兩黃芩一兩半苦參一兩

茱萸根浸酒方 治脾勞熱有白蟲在脾中為





病令人好嘔

吳茱萸根

東引者一尺

麻子

八升淨揀

陳橘皮

去白炒二兩

右三味先擣碎橘皮麻子如泥然後拌茱萸根

用酒一斗浸一宿慢火上微煎絞去滓分作五

服每服空心溫服蟲即下欲合藥時忌言合治

蟲藥

貫衆散方 治腎勞熱四肢腫急有蟻蟲如菜中

蟲生於腎中

貫衆

大者三枚去鬚

乾漆

炒令烟出二兩

吳茱萸

水洗七遍焙乾一兩

半白蕪荑

炒

槐白皮

一兩乾者

杏仁

去皮尖雙仁炒黃半

兩胡粉

炒令黃色一兩

右七味除別研粉外擣羅爲散更與胡粉同研

令細每服二錢空腹用井華水調服日晚再服

三蟲

論曰三蟲亦九蟲之數曰虵曰赤曰蟻是也其發

動諸病較之他種爲甚虵蟲又曰長蟲長一尺動

則吐清水心痛貫心則死赤蟲狀長似生肉動則

腸鳴蟻蟲至細微形如菜蟲居腸間多則爲痔極

則為癩或生諸癰疽癬癩癢疥而其變甚多三蟲為患如此古人必析而治之意亦深矣

白蘘丸方 治三蟲發動心痛等疾

白蘘 去連苗處剉碎 狼牙 去連苗處剉碎 蘘蘆 微炒 桃花 貫眾

擇去心 陳橘皮 去白各三分 白蕪荑 炒半兩

共七味搗羅為末鍊蜜為劑更於鐵臼內入酥杵令勻熟丸如小豆大每服二十九隔宿勿食空腹漿水下至晚再服加至三十九妊娠婦人勿服

鼈甲丸方 治三蟲發痛面目黃不下食

鼈甲 去裙襴醋炙黃二兩 白朮 一兩半 陳橘皮 去白一兩 木香

狗脊 去毛各一兩半 檳榔 四兩 吳茱萸 水浸二宿每日三次

換水洗去涎乾炒一兩

右七味搗羅為細末鍊蜜和為劑置白內入酥杵令勻熟丸如梧桐子大每日空腹煎青橘皮湯下三十九晚食前再服

芎藭散方 治三蟲

芎藭 白芷 雷丸 煨 桔梗 炒各一兩

四味為細散每服二錢用蜜并醋各少許勻調服或米泔汁調服之亦可每日空腹日午近晚各一服蜜丸服之亦可

薤蘆散方 治三蟲

薤蘆 炙黃 四兩 吳茱萸 水浸二日每日三次換水洗去涎焙乾微炒半兩

乾漆 炒令烟 盡二兩

右三味擣羅為細散每服二錢煎粟米稀粥調空心服

天門冬煎方 治三蟲保定肺氣去寒熱養肌膚

益氣力利水便及諸暴中偏風濕痺強骨髓

天門冬 去心生 用十斤 白蜜 七兩

二味先取天冬細切爛擣如泥用酒一斗和絞取汁并蜜攪令勻銅器中重湯上煎仍用竹篋攪候如飴每服如彈丸大空腹溫湯服之或用生地黄汁一盞同煎更妙

亂髮灰散方 治三蟲

亂髮 淨洗如雞子大燒灰 丹砂 研如麴飛 過一兩

二味同研極細每服一錢醋調空腹服之

雷丸散方 治三蟲

雷丸 芎藭 各一兩

二味擣羅為細散每服一錢空腹煎粟米飲調

下日三

鶴蝨散方 治三蟲

鶴蝨 炒二兩 蘆蘆 炒一兩

二味為散每服一錢用豬羊肉臠汁調服空腹日午近夜各一服

白金散方 治臟腑內一切蟲令人偏好食生物

及面黃嘔吐或時心腹發痛但是蟲病悉治

狼毒 不拘多少

一味擣羅為細散每服一錢用錫一皂子大沙

糖少許以溫水同化下臨臥於腹空時服之服

藥先服微動氣食藥服來日早取下蟲為效

寸金散方 治大人小兒諸蟲為病及骨蒸熱勞

羸瘦飛尸遁尸鬼注室女經脈不行五心煩熱

怠惰少力

乾漆 不拘多少炒出烟

一味爲細散每服一錢以生油溫水攪勻調服  
 若治小兒每一斤再入白蕪荑仁三兩爲細末  
 更研雄黃半兩合研勻量兒大小亦可用生油  
 溫水調服清米飲亦得若是室女經脈不行服  
 之必行其餘虻蟲寸白蟲服無不效者

蘧蘆散方 治三蟲神效

蘧蘆 微炙 二兩

一味擣羅爲細散每服二錢隔宿勿食於清旦  
 用羊肉濃汁調服之蟲自下

檳榔湯方 治三蟲

檳榔 三枚 灰 火煨過

一味擣篩用水三盞煎至一盞半去滓分三服  
 空腹日午近夜各一服其蟲盡下或葱白鹽豉  
 同煮飲之亦佳

鶴蝨散方 治三蟲

鶴蝨 微炒 一兩半

一味擣羅爲細散每服一錢用猪羊肉臠汁調  
 空心服之

重校聖訓綱目

卷九十九

三

燕遠堂

